

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940

3

T 5431/2516

Vertical text along the spine, likely bleed-through from the reverse side of the page.

Faint, illegible text visible on the left page, possibly bleed-through from the reverse side. The text is arranged in vertical columns.

Blank page with faint horizontal lines, suggesting ghosting of text from the reverse side.

爲可堂初集卷之五

論

漢武帝論

武帝亦開創之君也。高帝創業誅秦滅項力罷于戰爭。海內疆土失秦之舊。武帝起而振其威。拓地二萬餘里。視高帝倍之。雄武古今莫並。豈得但稱爲守成令辟哉。且夫匈奴之爲患久矣。周之東遷。犬戎雜處中國。故春秋以攘夷狄爲急。七國之季。燕趙魏分三國之力以抗之。迄于

哈佛大學漢和
圖書館珍藏印

秦始仍燕趙舊城廣築萬里蒙恬提雄師三十萬警壓匈奴然未幾恬死矣以高帝定天下全盛之殊威受困白登幾于不免高后以還惟以和親奉絮繒為事聽其嫚悖不敢較而冒頓老上之疆又亘古所未有也諸引弓之國兼并殆盡東胡破滅西域服從其勢足以並中國而爭雄此一時也以其積疆當中國不能較之積弱使繼文景之後僅得中主吾知匈奴必害中國前○者○所○曉○此○等○議○論○非○見○目○晉室永嘉之禍當早見于漢之元光元狩也幸

而有武帝之雄姿用衛霍之忠壯北築朔方復○當時形勢最

河南之故地悉西闢數千里置河西五郡使西域

不得通匈奴斷匈奴之右臂匈奴既罷于轉戰

又喪其應援自渾邪殺休屠以降其勢寢弱天

子自將兵待邊遠走亾匿于幕北寒苦之地自

有開闢以來中國之聖人有如是之威重者乎

管仲相桓公北伐山戎走孔子曰微管仲

吾其被髮左衽矣今匈奴之勢百倍于山戎武

帝之功奚啻如管仲明春秋之義正南北之防

存冠帶詩書于天地而不毀者謂非漢武帝之
 功而誰功也論者類並稱曰秦皇漢武夫漢武
 之致治與秦皇之基亂難以同年道也其英雄
 則畧相似矣是故治天下者貴乎安內而攘外
 安內則需仁聖攘外則賴英雄使以堯舜之仁
 確論宋儒不能知聖治秦漢之匈奴恐不如苗民之易格也必藉
 始皇武帝之兵力以威攝之故仁聖與英雄不
 奇矣然正確偏廢而堯舜與始皇武帝有同功宣帝亦日漢
 家自有制度伯王雜用豈得高語唐虞之德化

哉汲黯謂武帝內多慾而外施仁義吾謂武帝
 之仁義正緣多慾而能施耳此非黯之所知也
 此下單論行幸
 古者天子有巡狩之禮未嘗專處深宮也後世

廢而不舉夏太康周穆王趙武靈王秦始皇隋
 煬帝之徒遊幸者未有不亾國人主每以爲戒
 武帝獨不然無歲不出行幸車轍馬跡歷天下
 幾遍封泰山而登其顛者七斯可追烈虞舜比
 勤大禹既非洛汭崑崙江都之荒淫并無秦趙
 沙丘之禍變固已度越尋常非粉飾太平者可

幾及矣。其他治國之能。世主猶能者。不具論。獨論其拓地巡幸二端。以爲天子之僅有。雖高帝猶難之。謂之開創非誣也。

秦皇漢武與堯舜同功。宋儒見之。咋舌矣。然吾謂其非夸試問。千古以來。兩君之外。更有並兩君而三者否。

蘇武論

余讀書至蘇武傳。未嘗不嘆漢法之嚴。漢恩之薄也。武使匈奴。執節守死。不辱命。此與失軍陷虜者不同。乃武之兄爲奉車都尉。從至雍棧陽宮。被劾大不敬。伏劔自刎。武之弟爲騎都尉。從祠河東。后士詔捕宦騎。不得。惶恐飲藥而死。極于母死。婦嫁兩女。一男存。亡未知武之家門零落。蓋已甚矣。漢天子不聞推恩于武。未歸之前。及武歸。已老。位不過典屬國。踰年以上。官桀之

獄武止一子元被誅武亦幾不免于逮捕使武無胡婦之子通國金帛贖歸則武不幾祀絕而杜陵蘇氏誰為血食哉嗚呼武已無子而有子子出于胡婦而娶婦乃在十九年愁苦患難之中是天之巧于報武而續蘇氏非人之所得為也蓋凡忠臣義士跡死如歸而計不反顧然未有不恤其家者特迫于勢無如何耳宋文丞相近情之旨被獲二子遇害猶鯁鯁然望人之救之其在燕都遺書立弟壁子為嗣而集杜詩曰猶子是吾

兒是丞相未嘗不為宗祀計也當武在虜庭時已聞其家之零落恐一男之不存苟可以娶婦生子萬分之一以衍不絕如綫之祀雖在愁苦患難而必為亦人之情也故觀武之圖衍祀愈徵其必無降心執節之堅為且夕授命之計若日生子而吾事足矣好聯引時張騫經匈奴留十餘載持漢節不失亦與妻生子宋洪皓留金二十年亦娶東平之妾其用心之苦大約與武類乎獨是武在虜庭其窮實甚史傳在大害中不與飲

食武以糞雪與旃毛并咽之劉向新序又載武
不降當盛暑以旃衣并束三日暴武終不屈是
武極寒暑俱被困如此力豈能娶婦意者李陵
降而且貴武困稍甦耶陵惡自賜武嘗使其妻
賜武牛羊數十頭陵之妻卽單于女牛羊且賜
何不可賜婦卒也生子續祀于歸漢以后蘇李
之。交。情。固。已。深。矣。

他國續嗣一節事極奇不可無此論

李陵論

李陵降匈奴欲得當以報漢太史公信之爲陵
蒙罪陵又謂蘇武曰使得奮大辱之積志庶幾
乎曹柯之盟后人皆謂陵誠有其心而惜乎不
得遂也余謂不然蓋陵在匈奴中二十餘年不
爲不久匈奴寵之旣渥任之又專豈無可以報
漢者乃日老母已死報恩安歸陵不思母之死
爲誰死乎特以陵之降故不惟降而風聞少卿
教單于備漢軍故古之賢母固范滂之母有願其子死以

○報○國○者○亦○有○願○其○身○死○以○勸○子○之○報○國○者○然○則○
○陵○母○死○亦○何○恨○獨○恨○陵○不○忠○而○母○徒○死○耳○使○陵○
○雖○降○誠○得○當○以○報○漢○白○其○初○降○之○不○得○已○而○陵○
○母○爲○子○而○死○之○冤○亦○白○雖○死○猶○不○死○也○乃○陵○卒○
○泯○泯○胡○服○老○匈○奴○中○顏○隴○西○之○家○聲○士○大○夫○皆○
○以○爲○媿○嗚○呼○如○是○母○真○死○矣○是○母○不○死○于○漢○而○
○實○死○于○陵○不○死○于○降○匈○奴○之○陵○而○死○于○降○匈○奴○
○不○終○報○漢○之○陵○也○且○人○臣○之○義○遭○逢○不○幸○奮○不○
○顧○家○如○趙○苞○故○事○寧○殺○母○以○報○國○然○後○殺○身○以○

○報○母○後○之○人○尚○有○憐○而○亮○之○者○陵○實○獲○罪○累○親○
○反○以○親○亾○爲○辭○懇○其○君○而○怙○惡○不○悛○致○忠○孝○兩○
○棄○尚○信○其○浮○詞○謂○欲○得○當○報○漢○將○誰○欺○乎○蘇○武○
○之○陷○虜○與○陵○陷○不○同○漢○之○待○武○未○嘗○稍○厚○長○君○
○伏○劔○孺○卿○飲○藥○老○母○已○亾○少○妻○更○嫁○其○後○止○一○
○子○元○以○上○官○之○獄○連○誅○滅○祀○武○獨○何○心○哉○而○執○
○節○自○若○亾○人○之○地○早○年○奉○使○自○首○歸○朝○非○陵○所○
○親○見○而○嘆○羨○者○耶○武○帝○待○陵○則○不○同○于○武○當○陵○
○陷○時○悔○陵○無○救○勞○賜○陵○餘○軍○得○脫○者○又○遣○因○杆○

將軍將兵深入冀以迎陵帝不可謂非陵知已
及昭帝時霍光上官桀執政素善陵使陵故人
隴西任立政等三人往招之此不當歸而報漢
歟陵卒曰歸易耳恐再辱然後知陵之心無意
于漢久矣引得切確泥野侯趙破奴嘗亡匈奴已而歸漢
復擊匈奴爲匈奴所得十歲復與太子安國亡
入漢再亡再歸何辱之有以此例陵陵之情窮
而獄正矣陵他日謂武曰李陵衛律之罪上通
于天夫衛律之本胡人以李延年之故懼并誅

降亡匈奴亦何足怪陵世爲漢名將國恩深重
豈與律比陵引爲類又非也

李陵本意恐再辱不歸漢得當報漢語實是
欺人世人值事難解處便以母爲辭最可恨
文特拈出誅之亦殊快心

霍光論

霍光社稷臣也。以光之賢婦顯弒許后而不能制。積漸成大逆。光死而難作。宗族爲戮。豈不悲哉。君子曰。是誠光有罪也。何言之。今夫人君尊無二上者也。匹君唯后。故弒后之罪。與弒君等。語曰。人臣無將。將而必誅。又曰。見無禮于君者。若鷹鷂之逐鳥雀。大臣不幸而處此。斯計不反顧。雖至親不容。低徊者也。故周公之聖。誅管叔。石蜡之賢。誅石厚。父子兄弟皆然。則夫婦可知。

矣。方顯弒后時爲光者既已不可柰何當入告天子討顯罪而誅之。然后闔門囚繫自正不能制顯之罪請誅于上。上念厥功而詔赦免庶幾乎善處變故者矣。何居乎聞顯言欲發舉而不忍耶。夫顯既言之是光與聞乎弒也。與聞而不發舉是光成顯逆也。且內其女入宮猶弒君而代君位也是愈逆也。并行弒之淳于衍寬之是爲司馬昭而寬成濟爲朱晃而寬李振蔣玄暉也。討賊之義謂何。昔趙盾不討趙穿被之弒君

之名不敢辭。使斯時有良史若董狐者執筆漢廷直書曰大將軍光弒皇后許氏光將何辭以解免哉。惜乎光有伊尹放君之大功而亦蹈曹擦弒后之大惡則病于不學問而怙權大過也。初宣帝之立后也公卿皆心擬光女卽光亦自擬之矣。帝詔求故劔大臣知指乃自立許后光以后父廣漢爲刑人不宜君國歲餘始封昌成君。豈非光不欲立許后之驗耶。然則顯之敢于弒后而無忌者亦積漸使然光有以貽之也。貽

之于始復成之于終光之罪豈止曰不討賊已耶謂光爲弒抑豈曰責備賢者已耶夫功臣之保終蓋亦難矣寵忌過極炎炎者滅物之理也斯時禹及雲山諸婿外孫皆根據朝廷光慄慄危懼厚自挹損之不遑復欲貴其少女弒許后而代之位豈爲居成之善道耶光與上官桀金日磾同受顧命初武帝欲內日磾女後宮也日磾不肯帝益重之其後世稱忠孝七世內侍爲西京門地最上官桀子安女爲昭帝后呼帝爲

証切寔

婿倡狂妄行以叛逆伏誅兩家之行事此光所親見乃必欲貴其少女違日磾篤慎之節蹈上官覆亾之規而溺情遂惡縱妻行弒卒也弒后不已極于謀反夷其族而后亦廢斯必至之勢帝雖欲保全之而不可得矣司馬光以霍光盡忠漢室不庇其宗謂漢宣用法之過嗚呼豈誠過歟夫反謀猶未成也而弒逆則前此矣弒逆而族非過也光不忍發顯而卒至戮族所謂禍遲而愈大也或曰霍光之禍始于驂乘夫宣帝

亦明主也。豈以嚴憚霍光之故，罪及身後哉。吾謂霍光之禍，端在弒后。許后固宣帝貧賤交也。所與其患難者，苟富貴無相忘，忍令死于非命。國賊未討，國法未正，帝豈能須臾忘霍氏。以光功大望尊，而禍不及其身，遲之六年之後，斯誠宣帝之寬厚也已。

自是正論

趙克國論

兵法貴謀而賤戰。然古之爲將，未有不戰而能勝者也。黃帝以後，如師尚父、孫吳之徒，皆然矣。漢興諸功臣，以戰得天下，然戰勝于內，不能戰勝于外，是以有平城之困，迄于武帝，衛青、霍去病始能揚威絕塞，得志于匈奴。此可謂勝外者也。語戰功者，至衛霍而難加矣。有人于此，謂其爲將之量有餘于衛霍，吾必不信。及觀于趙克國，不爲衛霍所爲，亦能成功。然後知人之材分

每進而愈勝無有窮已也。蓋衛霍以戰爲功者，也。克國以不戰爲功者，其功在一時不戰爲功者，其功在久遠。國家之有邊患，猶身之有毒也。不得已而用兵，毒之用藥也。有二醫者出焉，或攻之以金石泄瀉，則毒去而身之元氣亦傷。或則不用攻而用養，養之者積日累月，其始無速效，久之身疆而毒亦去，則攻之者良乎？養之者良乎？衛霍之戰勝，中醫之攻毒也。克國之不以戰勝，良醫之養身也。故衛霍戰勝

優劣不待辨矣

于外，而武帝財窮于內，其後不能無悔于輪臺。克國屯田以待羗之救，振旅而還，終漢之世，邊境之爲患，日以寡。此其度量豈不相越哉？故吾謂古之爲大將者，惟克國爲最善。兵法貴謀而賤戰，亦惟克國足當之也。其後賤戰者，再見于晉羊祜、羊平、吳之功，首也。襄陽之兵力不弱于金城，東吳之可圖不難于羗衆。然終徐徐以待之，不急急以圖之，澹然若無意于成功，而功卒繇之以成，而國家不見用兵之苦。此其人何

結首句

人也。詩曰：不佞不求，何用不臧。唯其無佞，是以無求。克國讓功于辛武賢諸人，而不畏明詔之讓。羊祜舉杜預以自代，而不必及身，早試其智。畧當是時，克國老矣。祜病矣，使克國壽無上筭，豈及振旅而還，羊祜病作于咸寧之前，安能決平吳之策。二子不皆泯泯乎。然吾知其無悔也。終不肯速已之功，而使國事之不十全矣。宋張浚欲北伐，史浩曰：誠欲建功立業，宜假以數年，先爲不可勝以待敵之可勝，乃上計也。浚曰：丞

相言是也。雖然，浚老矣。夫以爲老而急用兵，倒行逆施，致有符離之敗，其視羊趙何如矣。

頓令衛霍減色

疏廣疏受論


漢宣帝時疏廣爲太子太傅疏受爲少傅朝廷
 以爲榮在位五歲皇太子年十二通論語孝經
 廣謂受曰知足不辱知止不殆功遂身退天之
 道也。卽日父子俱移病告歸鄉里享賜金而歿
 世賢哉。二大夫誠知足知止者乎。余則謂二大
 夫之去更有深意焉。非特爲知足知止也。彼見
 夫宣帝之圖治嚴厲已甚矣。固難爲之繼。而太
 子闇弱不振。天性又然。以二疏之智周旋五歲

其久豈有不窺其微者乎久于位而不能移太
 子之氣質則為傅無狀且以闇弱者富于春秋
 必親小人而遠師傅而師傅之嚴憚恒見嫉于
 小人俟禍之將及然後奉身以退則勢有所不
 能故二疏及時而決去之爾昔申公穆生之仕
 楚也王戊驕慢穆生懼禍而見幾于醴酒之不
 設日不去楚人將鉗我于市其後申公留楚諫
 王得禍果市辱如穆生言然則二疏之移病去
 國亦穆生之智也况當帝與太子賜金隆眷之

自是切証

時情不替于醴酒禍未兆于市鉗論語孝經之
 既通而告成身退職盡而責寬名全而禮得斯
 易稱知幾其神不俟終日者矣厥後蕭望之周
 堪非猶太子傅乎受先帝之顧命位高權重剛
 正不阿而恭顯讒之並罹囚辱望之卒飲鴆自
 殺使二疏不去亦望之之屬而望之能去于未
 受顧命之先亦何讓二疏哉人臣不可不忠亦
 當寧可以盡忠之主先後為一傅而禍福殊焉
 余既喜二疏之類穆生而深悲望之為申公也

以蕭太傅相形便知一二疏不止于知止看古
人深一步



陳湯論

自古塞外之功無有奇于陳湯者其先則傅介
子然介子之入樓蘭也持黃金錦綉誘王刺之
耳若湯于郅支發重兵蹈康居屠五城塞歛侯
之旗斬單于之首及闕氏太子名王以下千五
百一十八級生擄百四十五人降虜千餘人并
得漢使節二及谷吉等所齎帛書萬里振旅百
蠻懼伏此何如功耶乃丞相匡衡等惡湯矯制
劉向爭之僅爵關內侯食邑三百戶何報湯薄

也。夫匡衡經術儒也。豈真以矯制爲湯罪乎。春
先揚而後抑秋之義。大夫出疆。有可以安社稷。存萬民。顓之
可也。跡湯所爲。揚威刷耻。非安社稷之至計乎。
且甘延壽之功。湯之功也。人皆知之矣。延壽雖
爲石顯所怒。猶封義成侯。而湯止爵關內。又事
後索瘢。免官不巳。復下獄當死。巳又徙邊。還長
安。而死。則刑賞之失。平實甚。君子讀湯傳。未嘗
不廢書而流涕也。雖然。湯蓋有以自取之矣。傅
云。湯少時家貧。旬貸無節。不爲州里所稱。舉茂

材。待遷長安。父死不奔喪。其克郅支歸也。貪所
鹵獲財物。入塞多不法。司隸移書道上。繫吏士
按驗之。後入王鳳幕府。多受人金錢。作章奏。利
賜田宅。倡作昌陵。上書乞封王莽爲新都侯。乞
封荀悅。受金五十斤。又爲張匡訟罪。許謝錢二
百萬。合數者。而觀之。湯又爲人貪。而無行。何如
哉。其功大。其望輕。廷議之臣。旣巳心薄之。敢爲
苛刻之。文隨其后。抑功而賞不蒙。論罪而寃莫
白。屢廢屢起。卒以不振。豈不哀哉。夫大功在人
此千古古

論人之準。譬猶重器亦在乎人之克荷焉而已。古之名將必有過人之操。建非常之功而不疑。受非常之賞而無媿。衛霍之起家微矣。及其功成。士大夫莫及。史稱大將軍爲人仁善。退讓。又稱驃騎將軍天子爲治。第令驃騎視之。對曰。匈奴未滅。無以家爲此。二人者。豈嘗學問乎。乃恂恂合道。如是。陳子公素稱好讀書。博達善屬文。其行事反近乎貪鄙。無賴。雖有奇功。不稱其器矣。何怪乎。僥敗者之紛紛哉。易曰。大君有命。開國承家。小

人勿用。正以小人雖有功。而國家之封爵宜慎也。湯誠小人。非耶。當時之薄其封也。固宜。乃匡衡等之爲說。則大異。何愛于郅支。而曰方春掩骼埋胔之時。勿宜懸首。又曰。郅支本逃亾失國。竊號絕域。非真單于。背理失實。一至于此。雖三尺豎子。皆知其蔽賢嫉能。湯豈能心服乎。湯誠異才。料會宗之。必解決策萬里。如在目前。援以使貪之格。故宜重用。以威絕域。坐令廢死。英雄阻氣。衡等誠有罪焉。其後湯死數年。王莽追念

舊恩謚湯破胡壯侯封子馮破胡侯湯功始白
然封功出于王莽湯所以爲湯益增讀史者之
嘆恨也已

大將與偏將不同偏將唯尚勇力不妨使貪
使詐若大將自有過人之操過人之識若衛
霍一輩俱似極有學問人以例陳湯可得其
受病處矣此文全用實事勘量亦不覺其煩
重自是運筆之妙

孝元皇后論

西漢之禍在外戚猶東漢之禍在宦官積重以
至亾國君子之所深嘆也始高帝微時呂公識
帝帝念呂氏之舊德不忍制呂后蓋自開創而
外戚已基禍矣再傳遂有產祿危劉之難文帝
以薄太后起家微故得入正大位然景武間竇
氏田氏進用田蚡之橫至于執灌夫害竇嬰武
帝知其非屈于母命而不能正其獄殆後立昭
帝忍殺鉤弋夫人先絕其患已爲元魏立子殺

母之開端其慮禍不至密哉迺三傳而及孝元
 許史丁傳紛然繼起以元皇后用王氏秉政及
 莽篡奪是西漢歷世與外戚之禍相終始也始
 之以呂后終之以王政君呂后臨朝稱制產祿
 之禍發也速人皆備之故呂不代漢政君不臨
 朝稱制王莽之禍發也遲人皆忘之故漢遂移
 新君子曰炎運之中絕似有天意焉非人所得
 爲也王政君以年十八入掖庭爲良家子元帝
 爲太子所愛司馬良妹病死悲恚發病宣帝令

此段論天意

皇后擇後宮五人可以侍太子者政君與焉皇
 后乃見五人于太子太子殊無意于五人重違
 后意彊應曰此中一人可是時政君坐近太子
 旁御卽以爲是送太子宮得幸生成帝自後希
 復進見繇此觀之政君蓋以無意蒙幸者也無
 意蒙幸卒繇之成篡而漢室十二帝之宗社卽
 在太子疆應一語時丘墟矣自古大亂之萌發
 于意之所不及大抵如此然而政君固賢后也
 凡嬪人之情常偏溺外室故呂后欲王呂武則

此段論元后

天欲王武當王莽時莽媚元后可謂至矣平帝
 既崩元帝更無後嗣即擇立劉氏與元后親盡
 若莽則后之猶子也后乃深怒莽篡日狗豬不
 食其餘又日是人慢神不能久至漢家正膺日
 獨與左右相對飲酒食觀后之拒莽如此則漢
 雖繇后而亾后之心故未嘗亾漢也其罪豈與
 呂武類乎非獨元后也王莽女爲平帝后篡日
 肆罵抵璽于地莽欲嫁之怒不從曹操女爲獻
 帝后篡日求璽怒不與涕泗橫流楊堅女爲周

差等得當

三后引証作結

宣帝后堅有異志頗不平篡後欲奪其志誓不
 許此三后者節概畧同皆所遭之不幸父子善
 惡之不類如是不知亂臣賊子何以對其女也
 元后爲亡漢之本何可無論原情連類斟酌
 得中又不使元后受誣此斷事之準也

王莽論

王○莽○雖○奸○人○而○實○愚○人○也○惟○其○愚○故○始○終○沾○沾○
而○好○古○觀○莽○之○得○天○下○非○盡○以○奸○得○之○也○王○鳳○
以○來○四○世○專○政○莽○自○成○帝○陽○朔○中○進○用○勤○勞○謙○
恭○垂○三○十○年○天○下○知○有○王○氏○不○知○有○漢○矣○以○積○
累○之○勢○加○之○以○勤○勞○謙○恭○之○譽○移○天○下○之○人○心○
于○不○覺○故○一○時○臣○民○同○風○蠻○貉○向○化○頌○莽○功○德○
者○多○至○四○十○八○萬○人○豈○家○要○而○戶○誘○哉○雖○有○劉○
崇○翟○義○劉○信○之○徒○稱○兵○討○逆○應○時○敗○滅○則○人○心○

之歸莽實有以致之也。使莽儼然奄有漢之天下。亦奚不可獨怪其必法古人而曰我周公也。行居攝之事。抱孺子以泣。已復據其位而奪之。夫世豈有周公而篡奪者哉。今而後人乃知其奸。使莽不學周公人不知其奸也。及莽既得天下也。苟仍漢之舊與民休息。則天下固已帖服。雖盜賊何自竊發。王者何自偪興。將新祚久長。而澤流子孫矣。莽又法古人曰我黃帝也。我虞舜也。舉自古書傳所載封建井田諸制作。一時

兼行法令。煩碎耳目。眩搖應接。不暇使民挾銅賣田宅。奴婢而不得。海內于是乎大亂。夫世豈有黃帝虞舜諸聖人而亂天下者哉。今而後人惡其奸。而其誅之。使莽不學黃帝虞舜諸聖人。天下不亂。身亦不誅也。其始也。天下可以取。取天下以周公而莽失。取天下之名其後也。天下可以守。守天下以黃帝虞舜諸聖人而莽喪。守天下之實名與實之。俱敗。好古之害。一至此極哉。夫古今事殊。今天下不可以古治。治也如寒

暑之異候衣寒以葛衣暑以裘知其體之不
此正論也發人未發
 矣故漢之代秦大都皆襲秦舊唐之代隋亦然
 秦隋亡政也而漢唐法之以其世近而民習之
 也莽亦何為必法黃帝虞舜諸聖人哉夫莽之
奇喻
 好學古人猶其好符命鬼神也古人與符命鬼
奇
 神皆虛渺而無裨于實用祇見其愚而僻焉已
 矣且夫黃帝虞舜諸聖人與周公何如人也莽
 以無忌憚之小人竊其所行而行之慢侮已極
 揆于造物敗名之理則禍亦速至故人主不敢

輕比古人亦奇比晉武于桓靈猶不失創業之主比
 宋神于堯舜即為始亂之君王安石非有經術
 而學古者哉其愚而僻焉亦莽類也後之人學
 黃帝虞舜諸聖人者少矣而學周公者比比假
 顧命攝政之名行其篡奪之實視為固然之成
 例亂臣賊子紛紛而不已此皆王莽教之也

慧心類筆能起人鈍疾

楊雄論

楊雄恬澹寡營守玄學道之人。其在京師也。亟稱鄭子真。莊君平。蓋甚慕二人之行事。乃失節仕莽。爲大夫。何其悖也。仕莽已矣。復頌符命。劇秦羨新。貽千載譏笑。然且不免投閣。位亦不顯。不得比寵於國師。豈王莽之不樂諂耶。抑雄術有未工也。自余論之。雄之仕莽。苟求免死而已。其心蓋未嘗求富貴也。免死奈何。雄不幸用文章顯有盛名。而莽居攝以後。欲羅致清名之士。

不則致之死如龔勝則已不免矣夫死人之所
畏而雄又畏死之甚者即其恐見收而投閣皆
畏之所迫也雄千古不白之心今日始白雄既不能為龔勝之死又不得身
在事外若鄭子真莊君平之高亦不願為舊臣
劉歆等之富貴計惟浮湛於卑官下位嗜酒著
書甘寂寞清靜以自晦所謂避世金馬門也其
用心蓋已苦矣或者乃摘其刺秦羨新以案雄
罪嗚呼其亦有不得已而為之者乎不然羨新
足以媚莽矣劇秦之謂何秦與新相提而論若

曰新即羨僅羨於秦此雄之隱寓其刺譏也然
序所言配五帝冠三王開闢以來未之聞羨新
抑何太過余謂直戲莽耳薛方之辭莽辟也日
堯舜在上下有巢由今明主方隆唐虞之德小
臣欲守箕山之節使者以聞莽說其言不强致
方然則雄之頌莽亦若薛方之類乎所以愚莽
不生其忌雄乃得不事事而恬淡以老也班固
作雄傳不載其符命投閣贊始及之知非雄之
本意而極言其用心於內不求於外則雄之為

人本末固昭然矣。劉歆亦嘗觀雄太玄。謂雄曰。空自苦。今學者有利祿。尚不能明易。又如玄何。雄笑而不荅。雄蓋以玄爲藏身之密。不以利祿爲事也。雖然。易有之。君子見幾而作。不俟終日。方王莽執政時。雄卽宜超然遠引。何爲三世不遷官。猶低徊而不去。遲之居攝以後。則何及也。雄真遲頓無識者歟。梅福故南昌尉。數上書言事。亦有意乎用世。乃見微知著。一朝棄妻子。去九江。爲吳門市卒。逢萌爲北海太守。掛冠東門。率家浮海。二子皆先幾肥遯。使人不得而見焉。必如是。乃可以免死。且不汙僞命。君子之處亂世也。蓋其難哉。

自古及今。以畏死敗名者多矣。觀此可原甲申諸臣之心。

爲可堂初集卷之六

論

漢光武論



自古帝王取天下者。一。天。下。而。已。惟。光。武。取。二。天。下。焉。何。言。乎。二。天。下。也。方。王。莽。之。強。劉。聖。公。新。立。進。圍。宛。城。未。下。王。業。尚。未。有。基。莽。使。王。尋。王。邑。會。兵。救。宛。漢。兵。徼。之。于。陽。關。斯。時。漢。力。至。微。弱。如。螳。之。當。車。卵。之。壓。山。亾。在。漏。刻。光。武。獨。能。圖。畫。成。敗。鼓。勵。諸。將。守。昆。陽。以。十。三。騎。出。城。

收兵三千人。擊尋邑百萬之衆。殲滅之。殆盡。莽遂不能復振。不數月。伏誅。更始垂手而都洛陽。是漢之天下。莽竊之。而取以還漢。此光武之一天下也。及更始政亂。四方背叛。王郎詐立河北。赤眉殘虐。長安劉永。擅命睢陽。公孫述。王巴蜀。李憲。王淮南。秦豐。王楚黎。張步。起瑯琊。董憲。起東海。延岑。起漢中。田戎。起夷陵。又諸賊如銅馬。大彤。高湖。重連。鐵脛。大搶。尤來。上江。青犢。五校。檀鄉。五幡。五樓。富平。獲索等。不可勝數。衆合各

數百萬人。所在寇掠。維時之亂。更甚于新莽。漢

尚有尺土哉。惟蕭王身經百戰。次第削平。光復

炎祚。應一姓再興之識。是漢之天下。羣盜分據之

而取以還漢。此光武之又一天下也。夫天下之

大有天下之難以一人精神知力之有限。摧暴

新之彊。收羣盜之多。一取再取。無弱而不振。徧

而不全之患。又享世長久。建武中元之化行。俗

美。治道隆臻。而莫竝。雖五帝三王之神聖。豈有

比光武之功德者哉。抑更有異焉。自古能大戰

取天下者亦不數見如黃帝之涿鹿武王之牧
野斯已難已後世唯鉅鹿之戰秦昆陽之戰新
畧相等蓋秦與新其勢均也秦強而弱于鉅鹿
新強而弱于昆陽一蹙皆不復起其勢又均也
然鉅鹿之戰項羽爲之功昆陽之戰光武自爲
功是高祖借力于人光武奮功于身人知光武
能爲高祖而不知其身爲項羽之尤奇也且王
尋王邑嚴尤陳茂之合力過于章邯之勇長人
巨無霸及諸猛獸虎豹犀象助將兵百萬之威

逾于秦兵之暴而救漢之危迫于救趙漢兵之
弱倍于鉅鹿諸侯則光武所遇之敵與所憑之
勢又不及項羽遠甚卒能以少擊衆而成功卽

此已爲至難又何必論其再取天下之雄武而

始嘆爲莫及乎高祖因人之力得一天下而成

事在暮年光武用已之力得二天下成事在壯

歲卽以漢之二祖比論其開創分量又似不同

乃東漢之祚明章而後日以衰微不及西漢文

景武宣之久昌良以初造者氣雄再闢者脉薄

人皆未道

真奇文

以終始分衰旺非光武之不能過高祖也夫有
 君必有臣二祖從龍之士豐沛南陽亦相類然
 從高祖者皆由並起從光武者多在河北之後
 故昆陽邯鄲二大功雲臺諸將十無二三與焉
 則高祖之善將將不如光武之自爲將也明矣
 波○揲○不○窮
 自漢以後力戰取天下者莫如唐太宗然取一
 天下而已當時李密據洛口實爲太宗之□項
 羽太宗乃盡力于西北是太宗能爲河北以後
 之光武不能爲更始以前之光武且昆陽之戰

兵少而功倍古今之希觀雖太宗亦未之有也

奇識出人意表

鄧禹論

鄧禹以年少起徒步輔成漢業爲中興元侯豈
維時雲臺諸將若寇馮耿賈之屬無足當禹歟
夫禹方面之勲僅見征西及敗走高陵慙于受
任而功不遂以饑卒微戰爲赤眉所挫衆皆死
散獨禹二十四騎還詣宜陽是禹之戰功未見
其無敵也乃天下既定大封功臣必爲推首而
後世尚論將才亦無有少禹者何故然後知古
之大將佐取天下固貴乎有過人之識足以乘

時致身配德明聖而臨敵之知勇不與焉夫禹過人之識安在也方其杖策北渡追光武于鄴

語看得清

卽進說日明公建藩輔之功恐無所成立于今之計莫如延攬英雄務悅民心立高祖之業救萬民之命以公而慮天下不足定也此數言者何其明決哉韓信登壇策滅項之機諸葛亮出隆中定三分之計凡關氣運之人審時觀勢其方畧必蓄積有素一遇其主出諸其懷而與之禹之投鄴王業百未得一卽已如是光武曰禹

與朕謀謨帷幄決勝千里比諸孔子有回而門人日親誠不敢以將帥蓄禹矣此禹識之能定大計者一也且禹延攬英雄非虛語也光武之渡河從龍之士落落未多自禹薦寇恂吳漢賈復諸人而人材輻輳所嚮輒克是寇恂吳漢賈復諸人之功皆禹之功以布衣之從軍同宰相之納士終建武之世用其才而不匱此禹識之善知人者一也雲臺將帥從光武遲速不齊或仕莽或仕更始或起羣盜皆中道回心希光日

月○惟○禹○十○三○游○學○卽○知○光○武○非○常○人○遂○相○親○附○
及○漢○兵○起○更○始○立○多○薦○禹○禹○不○肯○從○乃○從○光○武○
于○河○北○識○天○子○于○塵○埃○之○內○守○身○却○仕○不○汗○亂○
朝○此○其○識○之○善○擇○主○者○又○一○也○如○是○三○識○得○一○
已○足○命○世○而○况○兼○之○且○又○在○年○少○之○日○豈○非○英○
靈○間○出○天○生○光○武○以○戡○亂○卽○生○禹○以○佐○命○一○君○
一○臣○如○器○用○之○相○配○一○定○而○不○可○移○非○折○衝○奔○
走○之○士○所○得○同○年○而○語○以○之○謚○元○侯○配○廟○享○豈○
有○愧○焉○後文更勁然○議○者○謂○宜○陽○報○命○之○後○不○復○專○征○功○

亦○少○見○豈○禹○一○蹶○而○才○遂○竭○歟○當○時○赤○眉○未○降○
羣○盜○及○隴○蜀○未○滅○紛○紛○日○用○兵○禹○以○方○剛○之○膂○
力○優○游○富○貴○奉○朝○請○而○遠○名○勢○者○幾○三○千○載○人○
皆○惜○禹○未○盡○其○用○而○不○知○用○盡○者○之○爲○物○忌○也○
古○之○人○主○善○用○人○者○不○必○竭○人○之○力○而○人○之○見○
用○于○明○主○者○亦○不○必○求○竭○其○力○以○邀○不○賞○之○功○
惟○力○之○不○竭○則○下○有○餘○用○上○有○餘○恩○有○餘○用○則○
不○驕○有○餘○恩○則○不○忌○君○與○臣○綽○綽○然○相○存○以○有○
餘○而○相○懽○若○不○足○乃○得○常○保○其○功○名○而○無○不○克○

喻得警快

令○終○之○患○如○飲○酒○者○適○可○而○止○不○至○盡○其○量○而
 沉○酒○失○度○負○重○者○使○其○身○猶○可○加○則○弛○負○易○而
 無○虞○于○顛○蹶○不○勝○彼○禹○之○功○限○于○征○西○身○間○于
 壯○齒○亦○此○類○也○哉○豈○獨○禹○然○吾○觀○耿○弇○削○平○齊
 地○功○比○韓○信○卽○歛○鋒○不○試○寇○恂○堅○拒○河○內○績○侔
 鄧○侯○卒○寄○之○以○郡○守○之○治○賈○復○衝○鋒○陷○敵○而○未
 嘗○箠○征○此○數○雄○皆○用○有○未○盡○且○使○鄧○寇○等○爲○相
 豈○下○蕭○曹○徒○以○列○侯○歸○第○卽○高○密○與○固○始○膠○東
 參○議○國○事○而○究○不○委○之○執政○大○任○光○武○之○深○心
 遠○計○誠○過○于○高○祖○而○列○侯○寵○利○居○成○無○鳥○盡○方
 藏○之○禍○亦○賴○此○也

讀此知高密之人品大光武之用意深

不○易○之○論

嚴子陵論

君子之隱見于時也。得時之宜而已。故宜見而見。不以爲急。功時隱而隱。不以爲矯。節堯舜與巢由相遭。禹稷與顏回易地。各揆其宜。以行其志。譬飲食者適于饑飽。不必有意于擇之。棄之也。二漢初興。士之奇者莫如四皓。嚴子陵。然而無奇也。夫四皓秦人也。始皇在上。何容不避。擇地而避。何容不入山採芝。及乎漢興。可以出矣。而高帝實輕儒。嫚罵。必待張良之招。太子之危。

急以爲非我莫能安社稷乃出羽翼之使不羽
妙論翼太子則不出也子陵之避新猶四皓之避秦
也乃四皓輔太子子陵終不佐光武何故則以
光武雖無輕儒嫚罵之風而社稷非有安危攸
係之故也且其時天下已定雲臺功業爛焉子
陵卽出豈能加功于馮鄧耿寇諸臣乎亾其偷
安散佚而嘿嘿尸位也加功則不能尸位又可
耻不如退而自全陶陶然披羊裘釣魚以樂吾
生而終吾事是非以其君爲不屑仕也亦非固

其身以爲不可仕也揆之以時量之以分則唯
子陵所處爲得宜耳且夫才之濟世猶器之給
用也建武之多才猶富家之備器也器之旣備
有用者有餘而不用者不用者不必用也若以
器之有餘不必用而求盡用用之拂其宜則不
唯無以見長或至顛仆壞墮者有之不更可惜
乎故當時光武布衣之友有人矣如牛牢朱岑
皆屢徵不出蓋亦猶子陵之意以有餘之器自
藏也而論者不察過高子陵謂布衣之友不肯

爲帝屈傲慢拒帝。近乎拂情絕俗者之所爲。且神其說以子陵爲客星。足加帝腹。致太史有客星犯帝座之占。此好奇之論。亦不達乎客星之應矣。夫客星凶象也。其數有五。曰周伯。曰老子。曰王蓬絮。曰國星。曰溫星。周伯主喪者也。老子主饑者也。王蓬絮主兵者也。國星主疾者也。溫星主暴骸者也。皆天道之至不祥。而謂子陵當之乎。又按建武三十一年十月有客星。燄二尺許。西南行至。明年二月二十二日在輿鬼東北。

六尺所惑。凡見百十有二日。輿鬼尸星主。死。客星居之。後二年光武崩。此亦豈子陵所。自後明帝順帝星三見。章帝一見。和帝五見。靈帝再見。史占或主兵。或主喪。晉劉聰時客星入紫微。太史康相以爲非常之變。聰遂滅亡。其他客星之見。不可勝記。總之。驗無子陵之類。而當時以爲爲子陵見者。或太史忌諱。不明言本事。徵應則適值加腹之後。帝以爲然後人信之。謂子陵爲客星。不知子陵矣。余惡其說之訛。并表

爲可堂初集
卷六
十一
而出之如此。

說得子陵極尋常如此論事方是聖賢中庸
本領子陵愈覺可貴

班固論

宋鄭樵曰。班固浮華之士也。無學術而事剽竊。自高祖至武帝。凡六世竊遷書。昭帝至平帝。凡六世資于賈逵。劉歆。而不以爲耻。又有曹大家終篇則固之自爲書也。惟古今人表耳。且云漢紹堯運。自當繼堯。遷作史記。厠于秦項者。非是。于是斷漢爲書。致周秦不相因。古今成間隔。樵之言如此。嗚呼。固旣以漢名書矣。則爲一代之史。何必如遷記三千年而後爲會通。無間隔乎。

其二云越秦項而紹堯此人臣尊王之諛詞言雖無稽不足咎固也至謂專事剽竊樵言亦過夫自古作史未有一人能成者貴乎博採舊聞廣籍群力如構大厦庀材豐而選工優所爲大匠者坐而指麾之爾及其告成則歸之大匠之能而他。不與焉故司馬遷之史多本于父談又雜考周秦諸書至陋如僞秦誓亦採入爲紀議者猶恨其承秦火之後博雅不足然則作史者但患剽竊少耳其又何訾于固乎孔子作春秋因

魯史舊文筆削之未嘗無據而作也然則孔子亦剽竊歟獨是固嘗傷遷博物洽聞不能以智免極刑廼身被竇憲之難亦繫死獄中附權門而垂明哲爲君子所譏然吾謂固之禍亦有所難避也苟爲良史之才必當世所側目而權貴者尤嫉之故楊雄之仕王莽蔡邕之仕董卓皆出于不得已雄懼而投閣邕卒見殺于王允不及續成漢史司馬遷之被極刑豈真爲李陵遊說乎或亦忌才者不能容耳誰謂班固能遐引

千古具眼

內

創解在人情之

不附竇憲哉。且憲尤固。知已也。維時肅宗尚輕固。而憲獨重之。故肅宗語憲曰。公愛班固。而忽崔駰。葉公之好龍也。如是。固安得不爲憲用。又安得不爲之死。固死于竇憲。遷刑于李陵。事會所激。庸何可避。要之。皆非其罪。以區區之書。定百代之是非。自宜中陰陽之忌。而禍必隨之。凡作史者。皆如是。若范曄。反逆受誅之類。則誠自取也。

有才見忌深傷作史者不獨原班固

曹操論

此荒唐之說操之不篡恐只蜀皇帝發其也豈果如此乎

漢室傾頽。群雄割據。曹操削平天下。三分有二。是漢室重爲曹氏所延。厥功烈矣。乃論者不烈其功。務深其罪。以爲奸雄之尤。痛心切齒。萬舌一辭。何哉。夫古今以來。篡國竊位者多矣。或取他人手。不以還其主。而自有之。或欺侮孤寡。攘而奪之。其所爲類。甚於操。而世之痛心切齒於篡竊者。反不如操之甚。使操及身。更篡竊其罪。操又寧有加等哉。朱子曰。操惟不篡。且竊其罪。

乃甚於篡竊也。何則操之見怒於人心者。非以偏天子耶。弑伏后貴妃耶。操而篡且竊也。君且廢而代之。何有於偏。又何有於君之后。若妃耶。然自古無不亡之國。以強代弱。極其惡。操不過一司馬炎。劉裕輩已爾。其事直其心顯。天下萬世之公論。雖憤而不極。惟是操猶人臣也。人臣無將。將而必誅。況乃挾天子。令以偏天子。敢於弑后妃。而不顧。則事逆而志僭。盜之殺人。天下恒有之事也。爲人奴而弑主。不恒有之事也。其

服刑有加等操。蓋終其身耻。若篡竊之名。不知其所爲。求比于篡竊。抑不可得也。且人之度量相越。固甚遠矣。或德高仁聖。或才近英雄。庸人不能貌英雄。猶英雄不能貌仁聖也。余觀操之用兵出奇。亦漢季英雄者。流歎乃操自許。則曰吾其爲周文王矣。夫文王何可當也。文王陰行善者也。操陰行惡者也。爲善宜陰。爲惡宜陽。善陰則積厚。惡陽則罪輕。操欲修文王服事之文。中心之陰賊。狠戾勃發。而不能制。卒自墮於大

奸○奇○克○并○英○雄○之○質○失○之○矣○擬○之○愈○高○者○形○之○愈
 醜○比○瑜○瑾○於○砒○砒○方○綺○繡○乎○縞○苧○適○以○招○指○摘
 而○露○敗○劣○也○故○孔○明○退○比○于○管○樂○而○望○益○隆○曹
 操○進○比○於○文○王○而○惡○益○著○人○之○材○分○審○處○又○烏
 可○以○不○慎○哉○自○古○奸○惡○為○婦○人○童○子○所○共○怒○者
 無○過○操○莽○自○我○論○之○操○之○蒙○惡○聲○文○王○誤○之○也
 莽○之○取○大○僂○周○公○誤○之○也○操○自○謂○文○王○其○心○愈
 險○罪○乃○甚○于○高○歡○宇○文○泰○莽○自○為○周○公○其○毒○愈
 張○同○以○外○戚○盜○國○不○得○為○隋○楊○堅○同○得○天○下○於
 孤○兒○寡○婦○之○手○不○得○為○宋○藝○祖○或○亡○其○身○或○促
 其○子○孫○亦○足○為○小○人○無○忌○憚○之○戒○而○人○品○心○術
 誠○不○可○偽○為○也○已

快論

魏延論

改甥徐林昉作

建興六年、諸葛亮將攻魏、司馬魏延曰、聞夏侯
楙怯而無謀、假延精兵五千、直從褒中出、循秦
嶺而東、緣子午而北、不過十日、可到長安、比東
方合聚、尚二十許日、而公從斜谷來、亦足以達、
如此則一舉而咸陽以西可定矣、亮以爲此危
計、不用、從坦道西取隴右、後卒無成功、議者惜
亮之失、誠如是、亮之用兵、知正而不知奇、毋乃
類宋襄公之仁、成安君之復乎、間嘗論之、而知

亮蓋未嘗失也。夫發謀制勝者必先觀其人。而後論其事。延之驕蹇叵測。而難爲用。亮已知之矣。其心怏怏然。嘗以爲不得盡其才。特壓于亮。而不敢動。亮亦以驅策無人。借延爲用。非其臂指之相使。腹心之見托也。然亦時爲之備。偏裨使之不當。大將之任。一旦聽其計。授之兵。隔數千里之遙。使取長安。毋論長安未必可取。卽取之以悍將頓兵要地。舉足重輕。長安豈必爲蜀有。延豈必終爲亮用。亮之爲憂更大矣。夫亮用

延如善騎者馭駿馬也。操縱在手。故行止惟人。

喻明也

苟其釋轡解韉。聽其蹀躞于曠野岐途。將奔風逐電。不知所往。豈肯返其主。復就槽櫪升斗之莖食哉。是故亮深慮焉。而拒延不用。而托言危計。非危計之不可用。正危用計之非人也。使斯時。龐士元關張諸人尚在。或爲此謀。知亮欣然從之矣。取長安而有功。固可喜。無功亦無患。何必孤軍獨出祁山哉。或者謂亮長于料魏。延短于料馬。謾致街亭之敗。而不知寧有街亭之敗。

不可有長安之勝其利害所伏正難與淺人道也。

中情達理之言

孔明真可爲大丈夫論

孔明遺表曰臣死之日不使內有餘帛外有贏財以負陛下先儒胡文定曰真可謂大丈夫朱子曰不然此孔明之廉也孔明三代以後一人爾美不勝書廉特美之餘也今夫擔夫市子營營汲汲得一金以蓄之亦侈然有餘矣若富厚者官銅山而藏金穴以視一金其細已甚而沾沾然以無餘帛無贏財丈夫孔明焉是何異乎以一金槩富厚之稱哉古之君子立身行已蓋

不一端有匍奴未滅無以家爲者矣亦有美田
宅選聲妓以爲適者矣苟是其人雖侈不害其
功苟非其人雖儉反以爲矯侈者居功之嘗矯
者人情之變則是有餘帛有贏財未必皆不肖
此○中○庸○之○論○也○
無餘帛無贏財未必皆賢也世患無孔曠世而
有孔明維持王室鞠躬盡瘁死而後已美不勝
書焉即使內府外庫盈財帛如丘岳亦豈遂爲
孔明累哉而慕孔明者無孔明維持王室之心
與其功而徒砥礪苦節無餘帛無贏財以爲孔
明孔明則未也彼其所爲特好修之士爾惡得
爲大丈夫哉然則廉者臣子小節孔明不足多
也顧遺表懃懃謂何誠慮後主材之中下者孔
明旣歿奸人若黃皓之徒或欲更張法度媒孽
其短伏波蕙苴之謗興焉則國病而子孫累故
特表而出之以明不負陛下冀哀憐以善其後
嗚呼此孔明之不得已也

雖翻案文定其論實至當不易

孔明真可爲大丈夫論二

弘光時作

余謂無餘帛無贏財孔明餘美也。旣而思之。喟然嘆曰。嗟乎。此誠孔明所難。夫人臣之不能爲國。以有其身。人臣之不能致身。以有其私。私者身之賊也。帛財者私之藜也。帛以曳體。必有餘帛。財以給用。必有贏財。餘帛積筐。筐贏財積筥。庫其累。乃積于心。心之徑圍方寸耳。藜筐筥筥。庫之私累。其內心之所餘。幾何矣。以此立身。身敗。以此事君。君負。以此治國。國亂。以此治兵。三

軍懈體極天下英雄俊傑道遠任重者其究不
○毒○罵○過爲餘帛贏財之人可哀也大丈夫豈易言哉
 若孔明所遇又人臣之窮也西蜀地隘而勢弱
 不當中原十之三不當吳十之五區區者豈足
 國乎主又闇弱其臣無足共大計者舉國之安
 危皆係于孔明之一身與一心孔明以區區之
 一身與一心遏強吳窺中原冀以一絲繫四百
 年垂絕之鼎此非恃夫才智瞻而筋力强也亦
 非恃夫財賦克而甲兵繕也唯其始終之無私

足以上結主知下慰人望內固軍心外生敵懼
 其于餘帛贏財也泊然有所不願愀然有所不
 忍純純懇懇至于將死而嚼然有以自明嗚呼
 不誠大丈夫哉故夫渡瀘出祁治國用兵非一
 端而人嘆爲難者非孔明所難孔明所難乃在
 于無私不以餘帛贏財累其鞠躬盡瘁之心也
 譬樹藝者餘皆華也無私其根也譬疏流者餘
 皆委也無私其源也滋根濬源孔明之風操砥
 礪蓋已久矣至于是而明其不負此將死之音

孔明自誌之實也。夫古今忠良之臣，蓋亦有矣。
此正不可解
 孔明功不必成，志不必伸，而尚論者獨無訾議。
 推爲三代以後之一人，雖婦人孺子，萬舌一稱。
 豈非無私有以感之哉？彼夫國破疆危，偏安之
 業未就，而侈然富且貴者，又何謂也。

自翻前篇之案，又確然不易。真文人筆端有

蘇張

